

Atodiad F – Adroddiad Blynyddol

At Weinidogion Cymru,

Dyletswyddau Adrodd Deddf Teithio Llesol (Cymru) 2013

Yn unol â'r dyletswyddau o dan adrannau 7 (3) a 10 (2) o Ddeddf Teithio Llesol (Cymru) 2013, dyma adroddiad blynyddol **Cyngor Sir Ceredigion** ar gyfer y flwyddyn 2022-23.

<p>Y camau a gymerwyd i hybu teithiau teithio llesol</p>	<p>Gwnaeth Tîm Diogelwch y Ffordd Cyngor Sir Ceredigion gyflwyno hyfforddiant lefel 1 a 2 y Safonau Beicio Cenedlaethol i 755 o ddisgyblion cynradd.</p> <p>Hefyd cyflwynwyd hyfforddiant lefel 3 y Safonau Beicio Cenedlaethol i 18 o oedolion.</p> <p>Yn ogystal, gwnaeth Tîm Diogelwch y Ffordd Ceredigion ariannu gwobr ar gyfer digwyddiad Sustrans sef 'Stroliwch a Roliwch'. Roedd y tair ysgol ganlynol a ddaeth ar y brig wedi ennill sioe gan Fusion Extreme:</p> <p>Ysgol Talybont Ysgol Plascrug Ysgol Felinfach</p> <p>Gweithiodd swyddog Siwrneiau Actif Sustrans gydag 16 o ysgolion Ceredigion wrth drefnu digwyddiad 'Stroliwch a Roliwch' eleni gan drefnu sioe gan Fusion Extreme fel gwobr ar gyfer y tair ysgol uchod a ddaeth ar y brig.</p> <p>Mae sawl un o ysgolion Ceredigion bellach wedi cwblhau eu rhaglen Siwrneiau Actif drwy Sustrans, a chlod yn enwedig i Ysgol Plascrug ac Ysgol Comins Coch sy'n gweithio tuag at yr ATSA aur (Gwobr Teithio Llesol i Ysgolion).</p> <p>Cydweithredu parhaus gydag E-Symud (cynllun e-feiciau Sustrans a ariennir gan Lywodraeth Cymru) i gefnogi cymuned yr ysgol yn gyffredinol.</p> <p>Cynigiwyd y cynllun 'Beicio i'r Gwaith' i weithwyr Cyngor Sir Ceredigion gyda dwy ffenest ymgeisio yn ystod y flwyddyn.</p> <p>Roedd swyddogion Priffyrdd Cyngor Sir Ceredigion ynghlwm wrth gynllunio ar gyfer gweithredu'r terfyn cyflymder diodyn cenedlaethol o 20mya ar ffyrdd cyfyngedig/dan olau stryd yn y Sir.</p>
--	---

	<p>Hyrwyddwyd prosiect Uwchraddio Llwybr Prifysgol Llambed a hynny yn y wasg leol ac ar dudalennau cymdeithasol y Cyngor Sir ar ôl cwblhau'r llwybr. Mae uwchraddio'r llwybr hwn o un mwdlyd ynghynt i un tarmac wedi bod yn boblogaidd iawn a bu cynnydd amlwg yn nifer y bobl sydd bellach yn defnyddio'r llwybr gwyrdd a heddychlon hwn ar lan yr afon.</p> <p>Cymeradwywyd Map Rhwydwaith Teithio Llesol Ceredigion gan y Gweinidog Newid Hinsawdd ar 03.08.22. Rhoddwyd dolenni i'r Map - a gynhelir ar wefan MapDataCymru - ar wefan Teithio Llesol Cyngor Ceredigion.</p>
<p>Y camau a gymerwyd i sicrhau llwybrau teithio llesol newydd a chyfleusterau a gwelliannau cysylltiedig</p>	<p>Mae Swyddogion Priffyrdd Cyngor Sir Ceredigion wedi bod wrthi'n barhaus yn datblygu gwelliannau posib ym maes teithio llesol yn ystod blwyddyn ariannol 22-23. Un o'r prosiectau datblygu a symudwyd yn ei flaen oedd 'Dolen Teithio Llesol Waunfawr i IBERS' (cyfeirnod llwybr at y dyfodol: CER-FR-AB-631) lle'r oedd gofyn ymgysylltu â nifer o randdeiliaid allweddol. Prynwyd tir ynghyd â chael caniatâd cynllunio a chymeradwyaeth y Corff Cymeradwyo Suds er mwyn cefnogi'r cais am grant i Lywodraeth Cymru i ariannu'r gwaith o adeiladu rhan Cam 1 ym mlwyddyn ariannol 23-24 (dyfarniad grant a dderbyniwyd ym Mai 2023). Mae'r gwaith o ddatblygu camau dilynol y cynllun mawr hwn yn mynd rhagddo.</p> <p>Ysgol Ardal Gymunedol Dyffryn Aeron, Felinfach - Cydweithiodd Swyddogion Priffyrdd Cyngor Sir Ceredigion gyda Gwasanaethau Dysgu'r Cyngor oddi ar y cam cyn-ymgeisio, i sicrhau bod cyfleusterau a seilwaith teithio llesol wedi'u cynnwys yn nyluniad a chais cynllunio'r ysgol newydd h.y. lloches parcio sgwteri/ beiciau, llwybr cyswllt newydd i dai cyfagos a mesurau tawelu traffig/ cyfleusterau croesi'r ffordd ar safle'r ysgol.</p> <p>Y Gronfa Ffyniant Bro (Diwylliant, Treftadaeth a Lleihau Carbon) – Yn dilyn dyfarnu'r grant hwn, mae swyddogion o bob rhan o'r Cyngor wedi bod ynghlwm â datblygu a chyflawni darpariaeth sy'n cydymffurfio â theithio llesol ar hyd y Promenâd tuag at yr harbwr, ac ar draws Afon Rheidol i gysylltu â Llwybr Beicio Cenedlaethol 81. Roedd y gwaith yn ystod blwyddyn ariannol 22/23 yn cynnwys datblygu'r dyluniad a disgwylir ei gyflawni ar lawr yn ystod blwyddyn ariannol 23-24 (ac eithrio'r bont). Dyddiad cwblhau'r grant yw mis Mawrth 2025.</p> <p>Yn anffodus, aflwyddiannus oedd cais uchelgeisiol gan y Cyngor am rwydwaith teithio llesol newydd <i>Cylch y Cardi</i> i Gronfa Ffyniant Bro 2 (cais Trafnidiaeth) - gan gynnwys</p>

	rhannau newydd (e.e. Dyffryn Aeron) a gwaith uwchraddio i'r llwybrau presennol (e.e. Llwybr Ystwyth).
Costau a ysgwyddir ar gyfer cyfleusterau a llwybrau teithio llesol newydd a gwelliannau i lwybrau teithio llesol presennol a chyfleusterau cysylltiedig a gynhaliwyd yn y flwyddyn ariannol lawn flaenorol	<p><u>Cronfa Teithio Llesol</u></p> <p>Grant Dyranriad Craidd (Mae'n cynnwys costau adeiladu cynllun mân waith. Mae hefyd yn cynnwys costau datblygu cynllun Llwybrau at y Dyfodol h.y. cynlluniau sydd heb eu hadeiladu eto). £470,614.93</p> <p><u>Grant Llwybrau Diogel mewn Cymunedau</u> £34,683.88 Mewn ymateb i bryderon y gymuned, gwnaeth y Cyngor gais llwyddiannus am arian grant blwyddyn gyntaf i ddechrau datblygu cynllun ar gyfer cyfleoedd teithio llesol mwy diogel ym mhentref arfordirol Llanrhystud. Mae'r gwaith yn parhau ym mlwyddyn ariannol 2023-24.</p>

Yn ogystal â'r uchod, mae'r wybodaeth a ganlyn yn rhoi trosolwg o'r seilwaith sydd wedi cael ei weithredu yn ystod y flwyddyn flaenorol:

Gwariant dangosol ar gyfer cyfleusterau a llwybrau teithio llesol newydd a gwelliannau i lwybrau teithio llesol presennol a chyfleusterau cysylltiedig sy'n cael eu cyllido neu eu cyllido'n rhannol gan drydydd partïon.	Ddim yn berthnasol
Hyd llwybrau newydd:	
- Cerdded	Ddim yn berthnasol
- Beicio	Ddim yn berthnasol
- Cyd-ddefnyddio	Ddim yn berthnasol
Hyd y llwybrau wedi eu gwella:	
- Cerdded	20 metr
- Beicio	Ddim yn berthnasol
- Cyd-ddefnyddio	Ddim yn berthnasol
Cyfleusterau teithio llesol newydd a gwell	Un lloches newydd i feics wedi ei gosod yn Ysgol Gynradd Penrhyncoch.

	<p>Un lloches newydd i feics wedi ei gosod yn Ysgol Gynradd Comins Coch.</p> <p>Un lloches newydd i feics wedi ei gosod ym Milfeddygon Ystwyth yn Aberystwyth.</p> <p>Un orsaf newydd i drwsio beics, gyda phwmp, wedi ei gosod ger Ysgol Bro Pedr (ar Lwybr Beicio Cenedlaethol 82) yn Llambed.</p> <p>Un orsaf newydd i drwsio beics, gyda phwmp, wedi ei gosod yng nghanol tref Aberteifi.</p> <p>8 rac Sheffield ar gyfer beics wedi eu gosod mewn amryw fannau yng nghanol tref Aberteifi.</p> <p>Dwy groesfan ac iddynt balmant botymog a chyrbiau is wedi eu gosod yn Rhodfa'r Felin yn Aberteifi gan wella'r cyswllt â'r Ganolfan Iechyd newydd.</p>
--	--

Gwybodaeth ychwanegol (dewisol)


Tri pholyn cyfleustodau ar Heol Gwbert yn Aberteifi wedi eu hailosod fel bod modd gwneud gwelliannau pellach i'r palmant.

Un teclyn cyfri cerddwyr wedi ei osod ym Mhrifysgol Llambed fel rhan o'r rhaglen o fonitro teithio llesol.

Un teclyn cyfri cerddwyr a beicwyr wedi ei osod ar Heol Gwbert yn Aberteifi fel rhan o'r rhaglen o fonitro teithio llesol.

Rwy'n cadarnhau y bydd yr adroddiad hwn yn cael ei gyhoeddi ar-lein ac y gellir ei gael ar ffurf copi caled ar gais, yn unol â Chanllawiau statudol y Ddeddf Teithio Llesol (argraffiad 2021).

Llofnod y Prif Weithredwr:



Enw'r Prif Weithredwr:

Mr Eifion Evans

Dyddiad cyflwyno i Weinidogion Cymru:

30.09.23



Cyngor Sir
CEREDIGION
County Council